


W489

29

川詩選

自
七
言
絕
句

W489
29



57. 4. 21
82W21335

唐詩選卷之六



濟南李攀龍編選

五言絕句

共七十四首

先題袁氏別業

賀知章

主人不相識。偶坐為林泉。莫謾愁沽酒。囊中自有錢。

先夜送趙縱

楊炯

趙氏連城壁。由來天下傳。送君還舊府。明月滿前川。

寒易水送別

駱賓王

此地別燕丹。壯士髮衝冠。昔時人已沒。今日水猶寒。

東 贈喬侍御

陳子昂

漢庭榮巧宦。雲閣薄邊功。可憐驄馬使。白首為誰雄。

支 子夜春歌

郭振

陌頭楊柳枝。已被春風吹。妾心正斷絕。君懷那得知。

真 南樓望

盧僎

去國三巴遠。登樓萬里春。傷心江上客。不是故鄉人。

文 汾上驚秋

蘇頲

北風吹白雲。萬里渡河汾。心緒逢搖落。秋聲不可聞。

庚 蜀道後期

張說

客心爭日月。來往預期程。秋風不相待。先至洛陽城。

先 照鏡見白髮

張九齡

宿昔青雲志。蹉跎白髮年。誰知明鏡裏。形影自相憐。

真 同洛陽李少府觀永樂公主入蕃

逌

邊地鶯花少年來。未覺新美人。天上落龍塞。始應春

陽 靜夜思

李白

牀前看月光。疑是地上霜。舉頭望山月。低頭思故鄉。

支 怨情

美人捲珠簾。深坐嘖蛾眉。但見淚痕溼。不知心恨誰。

陽 秋浦歌

白髮三千丈。緣愁似個長。不知明鏡裏。何處得秋霜。

山 獨坐敬亭山

衆鳥高飛盡。孤雲獨去閒。相看兩不厭。只有敬亭山。

魚 見京兆韋參軍量移東陽

潮水還歸海。流人卻到吳。相逢問愁苦。淚盡日南珠。

職 臨高臺

王維

相送臨高臺。川原杳何極。日暮飛鳥還。行人去不息。

庚 班婕妤

怪來妝閣閉。朝下不相迎。總向春園裏。花間笑語聲。

庚 雜詩

已見寒梅發。復聞啼鳥聲。愁心視春草。畏向玉階生。

養 鹿柴

空山不見人。但聞人語響。返景入深林。復照青苔上。

嘯 竹里館

獨坐幽篁裏。彈琴復長嘯。深林人不知。明月來相照。

庚 長信草

崔國輔

長信宮中。年年愁處。生時侵珠履跡。不使玉階行。

庚 少年行

遺却珊瑚鞭。白馬騎不行。章臺折楊柳。春日路傷情。

侵 送朱大人秦

孟浩然

遊人五陵去。寶劍直千金。分手脫相贈。平生一片心。

篠 春曉

春眠不覺曉。處處聞啼鳥。夜來風雨聲。花落知多少。

真 洛陽訪袁拾遺不遇

洛陽訪才子。江嶺作流人。聞說梅花早。何如此地春。

歌 洛陽道

儲光義

大道直如髮。春日佳氣多。五陵貴公子。雙雙鳴玉珂。

先 長安道

鳴鞭過酒肆。袷服遊倡門。百萬一時盡。含情無片言。

庚 關山月

一雁過連營。繁霜覆古城。胡笳在何處。半夜起邊聲。

侵 送郭司倉

王昌齡

映門淮水綠。留騎主人心。明月隨良掾。春潮夜夜深。

元 答武陵田太守

仗劍行千里。微軀敢一言。曾為大梁客。不負信陵恩。

養 孟城故

裴迪

結廬古城下。時登古城上。古城非疇昔。今人自來往。

陌 鹿柴

日夕見寒山。便為獨往客。不知松林裏。但有麝麇跡。

歌 復愁

杜甫

萬國尚戎馬。故園今若何。昔歸相識少。蚤已戰場多。

先 絕句

江碧鳥逾白。山青花欲然。今春看又過。何日是歸年。

陽 長干行

崔顥

君家住何處。妾住在橫塘。停船暫借問。或恐是同鄉。

寒 詠史

高適

尚有綈袍贈。應憐范叔寒。不知天下士。猶作布衣看。

虞 田家春望

出門何所見。春色滿平蕪。可歎無知己。高陽一酒徒。

灰 行軍九日思長安故園

岑參

強欲登高去。無人送酒來。遙憐故園菊。應傍戰場開。

尤 見渭水思秦川

渭水東流去何時到雍州。憑添兩行淚。寄向故園流。

尤 登鶴鵲樓

王之渙

白日依山盡。黃河入海流。欲窮千里目。更上一層樓。

寒 終南望餘雪

祖詠

終南陰嶺秀。積雪浮雲端。林表明霽色。城中增暮寒。

灰 罷相作

李適之

避賢初罷相。樂聖且銜盃。為問門前客。今朝幾箇來。

支 奉送五叔入京兼寄綦母三

李頎

陰雲帶殘日。悵別此何時。欲望黃山道。無由見所思。

微 左掖梨花

丘為

冷艷全欺雪。餘香乍入衣。春風且莫定。吹向玉階飛。

侵 九日陪元魯山登北城留別

蕭穎士

綿連澗川迥。杳渺鴉路深。彭澤興不淺。臨風動歸心。

虞 平蕃曲

劉長卿

渺渺戍烟孤。茫茫塞州枯。隴頭那用閉。萬里不防胡。

其 其二

絕漠大軍還。平沙獨戍閒。空留一片石。萬古在燕山。

麻逢俠者

錢起

燕趙悲歌士。相逢劇孟家。寸心言不盡。前路日將斜。

蒸江行無題

咫尺愁風雨。匡廬不可登。祗疑雲霧宿。猶有六朝僧。

先秋夜寄丘二十二員外

韋應物

懷君屬秋夜。散步咏涼天。山空松子落。幽人應未眠。

文聽江笛送陸侍御

遠聽江上笛。臨觴一送君。還愁獨宿夜。更向郡齋聞。

灰聞雁

故園眇何處。歸思方悠哉。淮南秋雨夜。高齋聞雁來。

刪答李瀚

林中觀易罷。溪上對鴈閒。楚俗饒詞客。何人最往還。

陽婕妤怨

皇甫冉

花枝出建章。鳳管發昭陽。借問承恩者。雙蛾幾許長。

歌題竹林寺

朱放

歲月人間促。烟霞此地多。殷勤竹林寺。更得幾回過。

語秋日

耿漳

返照入閭巷。憂來誰共語。古道少人行。秋風動禾黍。

唐詩選 卷之六 七
和張僕射塞下曲

盧綸 ○

月黑雁飛高。單于遠遁逃。欲將輕騎逐。大雪滿弓刀。

司空曙 ○

知有前期在。難分此夜中。無將故人酒。不及石尤風。

李益 ○

征戍在桑乾。年年薊水寒。殷勤驛西路。此去向長安。

戴叔倫 ○

沅湘流不盡。屈子怨何深。日暮秋風起。蕭蕭楓樹林。

令狐楚 ○

小苑鶯歌歇。長門蝶舞多。眼看春又去。翠輦不曾過。

柳宗元 ○

荒山秋日午。獨上意悠悠。如何望鄉處。西北是融州。

劉禹錫 ○

何處秋風至。蕭蕭送雁羣。朝來入庭樹。孤客最先聞。

呂溫 ○

馬嘶白日暮。劍鳴秋氣來。我心渺無際。河上空徘徊。

孟郊 ○

欲別牽郎衣。郎今到何處。不恨歸來遲。莫向臨邛去。

語 尋隱者不遇

賈島 ○

松下問童子。言師採藥去。只在此山中。雲深不知處。

支 宮中題

文宗皇帝 ○

輦路生秋艸。上林花滿枝。憑高何限意。無復侍臣知。

支 勸酒

于武陵 ○

勸君金屈卮。滿酌不須辭。花發多風雨。人生足別離。

尤 秋日湖上

薛瑩 ○

落日五湖遊。烟波處處愁。浮沈千古事。誰與問東流。

侵 題慈恩塔

荆叔 ○

漢國山河在。秦陵草樹深。暮雲千里色。無處不傷心。

庚 伊州歌

無名氏 ○

聞道黃花茂。頻年不解兵。可憐閨裏月。偏照漢家營。

齊 其二

打起黃鸝兒。莫教枝上啼。啼時驚妾夢。不得到遼西。

蕭 哥舒歌

西鄙人 ○

北斗七星高。哥舒夜帶刀。至今窺牧馬。不敢過臨洮。

先 答人

太上隱者 ○

偶來松樹下。高枕石頭眠。山中無曆日。寒盡不知年。

唐詩選卷之六終

唐詩選卷之七

濟南李攀龍編選

七言絕句

共百六十五首

灰 蜀中九日

王勃

九月九日望鄉臺他席他鄉送客杯
人情已厭南中苦鴻雁那從北地來

尤 渡湘江

杜審言

遲日園林悲昔遊今春花鳥作邊愁
獨憐京國人南

竄不似湘江水北流。

先 贈蘇館書記

知君書記本翩翩。為許從戎赴朔邊。紅粉樓中應計日。燕支山下莫經年。

文 戲贈趙使君美人

紅粉青娥映楚雲。桃花馬上石榴裙。羅敷獨向東方去。謾學他家作使君。

真 銅雀臺

銅臺宮觀委灰塵。魏主園陵漳水濱。卽今西望猶堪

劉廷琦

思況復當時歌舞人。

庾 邙山

沈佺期

北邙山上列墳塋。萬古千秋對洛城。城中日夕歌鐘起。山上惟聞松柏聲。

微 送司馬道士遊天台

宋之問

羽客笙歌此地違。離筵數處白雲飛。蓬萊闕下長相憶。桐柏山頭去不歸。

尤 送梁六

張說

巴陵一望洞庭秋。日見孤峰水上浮。聞道神仙不可

接心隨湖水共悠悠。

灰 涼州詞

王翰

葡萄美酒夜光杯。欲飲琵琶馬上催。醉臥沙場君莫笑。古來征戰幾人回。

冬 清平調詞三首

李白

雲想衣裳花想容。春風拂檻露華濃。若非羣玉山頭見。會向瑤臺月下逢。

二

一枝濃艷露凝香。雲雨巫山枉斷腸。借問漢宮誰得

似。可憐飛燕倚新粧。

寒 三

名花傾國兩相歡。常得君王帶笑看。解釋春風無限恨。沈香亭北倚闌干。

陽 客中行

蘭陵美酒鬱金香。玉碗盛來琥珀光。但使主人能醉客。不知何處是他鄉。

尤 峨眉山月歌

峨眉山月半輪秋。影入平羌江水流。夜發清溪向三

唐詩選 卷之七
嶽思君不見下渝州

寒 上皇西巡南京歌一首

誰道君王行路難六龍西幸萬人歡地轉錦江成渭水天迴玉壘作長安

元 二

劔閣重關蜀北門上皇歸馬若雲屯少帝長安開紫極雙懸日月照乾坤

齊 聞王昌齡左遷龍標尉遙有此寄

楊花落盡子規啼聞道龍標過五溪我寄愁心與明月

月隨風直到夜郎西

尤 黃鶴樓送孟浩然之廣陵

故人西辭黃鶴樓烟花三月下揚州孤帆遠影碧空盡惟見長江天際流

陪族叔刑部侍郎曄及中書舍人賈至遊洞庭

文 湖

洞庭西望楚江分水盡南天不見雲日落長沙秋色遠不知何處弔湘君

灰 望天門山

天門中斷楚江開。碧水東流至北迴。兩岸青山相對出。孤帆一片日邊來。

剛 早發白帝城

朝辭白帝彩雲間。千里江陵一日還。兩岸猿聲啼不住。輕舟已過萬重山。

東 秋下荆門

霜落荆門江樹空。布帆無恙掛秋風。此行不為鱸魚膾。自愛名山入剡中。

真 蘇臺覽古

舊苑荒臺楊柳新。菱歌清唱不勝春。只今惟有西江月。曾照吳王宮裏人。

微 越中懷古

越王勾踐破吳歸。義士還家盡錦衣。宮女如花滿春殿。只今惟有鷓鴣飛。

麻 與史郎中欽聽黃鶴樓上吹笛

一為遷客去長沙。西望長安不見家。黃鶴樓中吹玉笛。江城五月落梅花。

庚 春夜洛城聞笛

誰家玉笛暗飛聲散入春風滿洛城此夜曲中聞折柳何人不起故園情

唐 春宮曲

王昌齡

昨夜風開露井桃未央前殿月輪高平陽歌舞新承寵簾外春寒賜錦袍

陽 西宮春怨

西宮夜靜百花香欲捲朱簾春恨長斜抱雲和深見月朧朧樹色隱昭陽

陽 西宮秋怨

芙蓉不及美人粧水殿風來珠翠香却恨含情掩秋扇空懸明月待君王

支 長信秋詞

眞成薄命久尋思夢見君王覺後疑火照西宮知夜飲分明複道奉恩時

陽 青樓曲

白馬金鞍從武皇旌旗十萬宿長楊樓頭少婦鳴箏坐遙見飛塵入建章

尤 閨怨

月言選一 卷之七
閨中少婦不知秋。春日凝粧上翠樓。忽見陌頭楊柳色。悔教夫婿覓封侯。

支 出塞行

白草原頭望京師。黃河水流無盡時。秋天曠野行人絕。馬首東來知是誰。

尤 從軍行三首

烽火城西百尺樓。黃昏獨坐海風秋。更吹羌笛關山月。無那金閨萬里愁。

剛 二

青海長雲暗雪山。孤城遙望玉門關。黃沙百戰穿金甲。不破樓蘭終不還。

三

秦時明月漢時關。萬里長征人未還。但使龍城飛將在不。教胡馬度陰山。

先 梁苑

梁園秋竹古時烟。城外風悲欲暮天。萬乘旌旗何處在。平臺賓客有誰憐。

虞 芙蓉樓送辛漸

唐詩選

卷之七

七

嵩山房

寒雨連江夜入吳。平明送客楚山孤。洛陽親友如相問，一片冰心在玉壺。

剛 送薛大赴安陸

津頭雲雨暗湘山。遷客離憂楚地顏。遙送扁舟安陸郡，天邊何處穆陵關。

陽 送別魏三

醉別江樓橘柚香。江風引雨入船涼。憶君遙在湘山月，愁聽清猿夢裏長。

尤 盧溪別入

武陵溪口駐扁舟。溪水隨君向北流。行到荆門上三峽，莫將孤月對猿愁。

寒 重別李評事

莫道秋江離別難。舟船明日是長安。吳姬緩舞留君醉，隨意青楓白露寒。

陽 少年行

王維

出身仕漢羽林郎。初隨驃騎戰漁陽。孰知不向邊庭苦，縱死猶聞俠骨香。

真 九月九日憶山中兄弟

唐詩選

卷之七

八

陽

獨在異鄉為異客，每逢佳節倍思親。遙知兄弟登高處，遍插茱萸少一人。

真與盧員外象過崔處士興宗林亭

綠樹重陰蓋四隣，青苔日厚自無塵。科頭箕踞長松下，白眼看他世上人。

先送韋評事

欲逐將軍取右賢，沙場走馬向居延。遙知漢使蕭關外，愁見孤城落日邊。

微送沈子福之江南

楊柳渡頭行客稀，罨師湯漿向臨圻。唯有相思似春色，江南江北送君歸。

陽春思二首

賈至

艸色青青柳色黃，桃花歷亂李花香。春風不為吹愁去，春日偏能惹恨長。

支二

紅粉當壚弱柳垂，金花臘酒解醲醑。笙歌日暮能留客，醉殺長安輕薄兒。

青西亭春望

日長風暖柳青青北雁歸飛入宵冥岳陽城上聞吹
笛能使春心滿洞庭

歌 初至巴陵與李十二白同泛洞庭湖

楓岸紛紛落葉多洞庭秋水晚來波乘興輕舟無近
遠白雲明月弔湘娥

寒 送李侍郎赴常州

雪晴雲散北風寒楚水吳山道路難今日送君須盡
醉明朝相憶路漫漫

蕭 岳陽樓重宴別王八員外貶長沙

江路東連千里潮青雲北望紫微遙莫道巴陵湖水
濶長沙南畔更蕭條

東 封大夫破播仙凱歌二首 岑參

漢將承恩西破戎捷書先奏未央宮天子預開麟閣
待秭今誰數貳師功

庚 二

日落轅門鼓角鳴千羣面縛出蕃城洗兵魚海雲迎
陣秣馬龍堆月照營

真 苜蓿烽寄家人

首荷烽邊逢立春。胡蘆河上淚沾巾。閨中只是空相憶。不見沙場愁殺人。

魚 玉關寄長安李主簿

東去長安萬里餘。故人那惜一行書。玉關西望腸堪斷。沉復明朝是歲除。

寒 逢入京使

故園東望路漫漫。雙袖龍鍾淚不乾。馬上相逢無紙筆。憑君傳語報平安。

先 磧中作

走馬西來欲到天。辭家見月兩回圓。今夜不知何處宿。平沙萬里絕人烟。

尤 號州後亭送李判官使赴晉絳得秋字

西原驛路掛城頭。客散江亭雨未休。君去試看汾水上。白雲猶似漢時秋。

微 送人還京

匹馬西來天外歸。揚鞭只共鳥爭飛。送君九月交河北。雪裏題詩淚滿衣。

魚 赴北庭度隴思家

唐詩選 卷之七 十一 嵩山房
西向輪臺萬里餘。也知鄉信日應疎。隴山鸚鵡能言
語。爲報家人數寄書。

姚 酒泉太守席上醉後作

酒泉太守能劍舞。高堂置酒夜擊鼓。胡笳一曲斷人
腸。坐客相看淚如雨。

蘇 送劉判官赴碛西

火山五月行人少。看君馬去疾如鳥。都使行營太白
西。角聲一動胡天曉。

蘇 山房春事

梁園日暮亂飛鴉。極目蕭條三兩家。庭樹不知人去
盡。春來還發舊時花。

剛 寄孫山人

儲光義

新林二月孤舟還。水滿清江花滿山。借問故園隱君
子。時時來往住人間。

文 贈花卿

杜甫

錦城絲管日紛紛。半入江風半入雲。此曲祇應天上
有。人間能得幾回聞。

真 重贈鄭鍊

唐詩選 卷之七 十一 嵩山房
鄭子將行罷使臣囊無一物獻尊親
江山路遠羈離日裘馬誰爲感激人

庚 奉和嚴武軍城早秋

秋風嫋嫋動高旌玉帳分弓射虜營
已收滴博雲間戍欲奪蓬婆雪外城

尤 解悶

一辭故國十經秋每見秋瓜憶故丘
今日南湖采薇蕨何人爲覓鄭瓜州

庚 書堂飲旣夜復邀李尚書下馬月下賦

湖川林風相與清殘尊下馬復同傾
久拚野鶴如雙鬢遮莫隣雞下五更

陽 塞下曲二首

常建

玉帛朝回望帝鄉烏孫歸去不稱王
天涯靜處無征戰兵氣銷爲日月光

庚 二

北海陰風動地來明君祠上望龍堆
觸體盡是長城卒日暮沙場飛作灰

庚 送宇文六

唐詩選 卷之七
花映垂楊漢水清。微風林裏一枝輕。卽今江北還如此。愁殺江南離別情。

尤 三日尋李九莊

雨歇楊林東渡頭。永和三日盪輕舟。故人家在桃花岸。直到門前溪水流。

尤 九曲詞

高適

鐵馬橫行鐵嶺頭。西看邏逤取封侯。青海只今將飲馬。黃河不用更防秋。

元 除夜作

旅館寒燈獨不眠。客心何事轉淒然。故鄉今夜思千里。霜鬢明朝又一年。

刑 塞上聞吹笛

雪淨胡天牧馬還。月明羌笛戍樓間。借問梅花何處落。風吹一夜滿關山。

文 別董大

十里黃雲白日曛。北風吹雁雪紛紛。莫愁前路無知己。天下誰人不識君。
十里目前

陽 送杜十四之江南

孟浩然

荆吳相接水為鄉。君去春江正淼茫。日暮孤舟何處泊。天涯一望斷人腸。

刑 寄韓鵬

李頎 ○

為政心閒物自閒。朝看飛鳥暮飛還。寄書河上神明宰。羨爾城頭姑射山。

陽 九日

崔國輔 ○

江邊楓落菊花黃。少長登高一望鄉。九日陶家雖載酒。三年楚客已霑裳。

侵 題長安主人壁

張謂 ○

世人結交須黃金。黃金不多交不深。縱令然諾暫相許。終是悠悠行路心。

尤 送人使河源

○

故人行役向邊州。匹馬今朝不少留。長路關山何日盡。滿堂絲竹為君愁。

刑 涼州詞

王之渙 ○

黃河遠上白雲間。一片孤城萬仞山。羌笛何須怨楊柳。春光不度玉門關。

微 九日送別

○

薊庭蕭瑟故人稀。何處登高且送歸。今日暫同芳菊酒。明朝應作斷蓬飛。

庚 洛陽客舍逢祖咏留宴 蔡希寂

綿綿漏鼓洛陽城。客舍平居絕送迎。逢君買酒因成醉。醉後焉知世上情。

真 少年行 吳象之

承恩借獵小平津。使氣常遊中貴人。一擲千金渾是膽。家無四壁不知貧。

刑 江南行 張潮

茨菰葉爛別西灣。蓮子花開猶未還。妾夢不離江上水。人傳郎在鳳凰山。

刑 軍城早秋 嚴武

昨夜秋風入漢關。朔雲邊月滿西山。更催飛將追驕虜。莫遣沙場匹马還。

尤 重送裴郎中貶吉州 劉長卿

猿啼客散暮江頭。人自傷心水自流。同作逐臣君更遠。青山萬里一孤舟。

齊 送李判官之潤州行營

鼓一勇事
楚一西楚國西

草一無人也
湘水只如古也
一路城道

水一清湘景

唐詩選 卷之七

萬里辭家事鼓聲金陵驛路楚雲西江春不肯留行
客艸色青青送馬蹄

齊 春行寄興 李華 ○

宜陽城下草萋萋。澗水東流復向西。芳樹無人花自
落。春山一路鳥空啼。

灰 歸雁 錢起 ○

瀟湘何事等閒回。水碧沙明兩岸苔。二十五絃彈夜
月。不勝清怨却飛來。

東 登樓寄王卿 韋應物 ○

踏閣攀林恨不同。楚雲滄海思無窮。數家砧杵秋山
下。一郡荆榛寒雨中。

灰 酬柳郎中春日歸揚州南國見別之作 ○

廣陵三月花正開。花裏逢君醉一迴。南北相過殊不
遠。暮潮歸去早潮來。

文 送魏十六還蘇州 皇甫冉 ○

秋夜沈沈此送君。陰蟲切切不堪聞。歸舟明日昆陵
道。回首姑蘇是白雲。

東 曾山送別 ○

唐詩選 卷之七

淒淒遊子苦飄蓬。明月清樽祗暫同。南望千山如黛色。愁君客路在其中。
淒淒零落

麻寒食

韓翃

春城無處不飛花。寒食東風御柳斜。日暮漢宮傳蠟燭。青烟散入五侯家。
青烟濃烟今火ノ最初ヲ云

文送客知鄂州

江口千家帶楚雲。江花亂點雪紛紛。春風落日誰相見。青翰舟中有鄂君。
青翰楚王ノ母弟子哲青翰ノ舟ニ乘シテアルヲ云

齊宿石邑山中

浮雲不共此山齊。山靄蒼蒼望轉迷。曉月暫飛千樹裏。秋河隔在數峰西。
山ノ山深 隔ノノ不見而山ノ更且廣大ヲ云

唐送劉侍郎

李端

幾人同入謝宣城。未及酬恩隔此生。唯有夜猿知客恨。嶧陽溪路第三聲。
隔ノノ人 不來不志思ヲ云

先楓橋夜泊

張繼

月落烏啼霜滿天。江楓漁火對愁眠。姑蘇城外寒山寺。夜半鐘聲到客船。

唐聽角思歸

顧况

故園黃葉滿青苔。夢後城頭曉角哀。此夜斷腸人不見。起行殘月影徘徊。人語人言

寒 病昭應

武帝祈靈太乙壇。新豐樹色繞千官。那知今夜長生殿。獨閉空山月影寒。新豐宮玄宗幸阿房

齊 湖中

青洲湖邊日色低。黃茅瘴裏鷓鴣啼。丈夫飄蕩今如此。一曲長歌楚水西。

陽 夜發袁江寄李穎川劉侍郎

戴叔倫

半夜回舟入楚鄉。月明山水共蒼蒼。孤猿更叫秋風裏。不是愁人亦斷腸。

支 寄楊侍御

包何

一官何幸得同時。十載無媒獨見遺。今日莫論腰下組。請君看取髮邊絲。

真 汴河曲

李益

汴水東流無限春。隋家宮闕已成塵。行人莫上長堤望。風起楊花愁殺人。

虞 聽曉角

李益

七

萬山

邊霜昨夜墮關榆吹角當城片月孤無限塞鴻飛不
度秋風吹入小單于。

陽 夜上受降城聞笛

回樂峰前沙似雪受降城外月如霜不知何處吹蘆
管一夜征人盡望鄉。

虞 從軍北征

天山雪後海風寒橫笛偏吹行路難磧裏征人三十
萬一時回首月中看。

行路難曲名 磧裏沙磧中

真 楊柳枝詞

劉禹錫

煬帝行宮汴水濱數株楊柳不勝春晚來風起花如
雪飛入宮牆不見人。

庚 與歌者何戡

二十餘年別帝京重聞天樂不勝情舊人唯有何戡
在更與殷勤唱渭城。

麻 浪淘沙詞

鸚鵡洲頭浪颭沙青樓春望日將斜街泥燕子爭歸
舍獨自狂夫不憶家。

灰 自朗州至京戲贈看花諸君

紫陌紅塵拂面來。無人不道看花回。玄都觀裏桃千樹。盡是劉郎去後栽。

尤○涼州詞

張籍

鳳林關裏水東流。白草黃榆六十秋。邊將皆承主恩澤。無人解道取涼州。

麻○十五夜望月

王建

中庭地白樹棲鴉。冷露無聲濕桂花。今夜月明人盡望。不知秋思在誰家。

微○送盧起居

武元衡

相如擁傳有光輝。何事闌干淚濕衣。舊府東山餘妓在。重將歌舞送君歸。

先○嘉陵驛

悠悠風旆遶山川。山驛空濛雨作烟。路半嘉陵頭已白。蜀門西更上青天。

支○漢苑行

張仲素

回雁高飛太液池。新花低發上林枝。年光到處皆堪賞。春色人間總不知。

蕭○塞下山

李益

塞下曲

李益

塞下曲

三戍漁陽再度遼。驛弓在臂箭橫腰。匈奴似欲知名姓。休傍陰山更射鵞。

元○又

朔雪飄飄開雁門。平沙歷亂捲蓬根。功名恥計擒生數。直斬樓蘭報國恩。

樓蘭王

微○秋閨思

碧窗斜月靄深輝。愁聽寒蟬淚濕衣。夢裏分明見關塞。不知何路向金微。

寒○郡中即事

羊士諤

紅衣落盡暗香殘。巢上秋光白露寒。越女含情已無限。莫教長袖倚闌干。

庚○登樓

槐柳蕭疎繞郡城。夜添山雨作江聲。秋風南陌無車馬。獨上高樓故國情。

微○酬浩初上人欲登仙人山見贈

柳宗元

珠樹玲瓏隔翠微。病來方外事多違。仙山不屬分府客。一任凌空錫杖飛。

寒○題延平劍潭

歐陽詹

想像精靈欲見難通津一去水漫漫空餘千載凌霜色長與澄潭白日寒

江○聞白樂天左降江州司馬元稹

殘燈無火焰影幢幢此夕聞君謫九江垂死病中驚馬坐起暗風吹雨入寒窗

尤○胡渭州張祐

亭亭孤月照行舟寂寂長江萬里流鄉國不知何處是雲山漫漫使人愁

真○雨淋鈴

雨淋鈴夜却歸秦猶是張徽一曲新長說上皇垂淚

教月明南內更無人南內興廢宮ニ在深處ス妃ナリ云云

元○號夫人

號國夫人承上恩平明騎馬入宮門却嫌脂粉汚顏

色淡掃蛾眉朝至尊承一寵愛

陽○度桑乾賈島

客舍并州已下霜歸心日夜憶咸陽無端更渡桑乾水卻望并州是故鄉

尤○成德樂王表

趙女乘春上畫樓。一聲歌發滿城秋。無端更唱關山曲。不是征人亦淚流。

灰 漢宮詞

李商隱

青雀西飛竟未回。君王長在集靈臺。侍臣最有相如渴。不賜金莖露一杯。

渴病也 金莖 仙菜 二月生

支 夜雨寄北

君問歸期未有期。巴山夜雨漲秋池。何當共剪西窗燭。却話巴山夜雨時。

魚 寄令狐郎中

嵩雲秦樹久離居。雙鯉迢迢一紙書。休問梁園舊賓

客。茂陵秋雨病相如。

尤 秋思

許渾

琪樹西風枕簟秋。楚雲湘水憶同遊。高歌一曲掩明

鏡。昨日少年今白頭。

先 江樓書感

趙嘏

獨上江樓思渺然。月光如水水連天。同來翫月人何處。風景依稀似去年。

渺 無限

齊 楊柳枝

溫庭筠

館娃宮外鄴城西。遠映征帆近拂堤。較得王孫歸意

切不關春艸綠萋萋。館娃宮吳王夫差所立鄴城魏都平柳名勝楚詩王孫遊兮不歸春草生兮萋萋

元 折楊柳 段成式 ○

枝枝交影鎖長門。嫩色曾霑雨露恩。鳳輦不來春欲

盡。空留鶯語到黃昏。宮女寤寐矣意

尤 宮怨 司馬禮 ○

柳色參差掩畫樓。曉鶯啼送滿宮愁。年年花落無人

見。空逐春泉出御溝。

唐 宴邊將 張喬 ○

一曲涼州金石清。邊風蕭颯動江城。坐中有老沙場

客。橫笛休吹塞上聲。

寒 退朝望終南山 李拯 ○

紫宸朝罷綴鸞鸞。丹鳳樓前駐馬看。唯有終南山色

在。晴明依舊滿長安。終一陽路之行烈

寒 華清宮 崔魯 ○

草遮回磴絕鳴鑾。雲樹深深碧殿寒。明月自來還自

去。更無人倚玉闌干。磴石階 絕一行李車餘

韋 古別離 韋莊 ○

唐詩選 卷之七 三五 嵩山房

晴烟漠漠柳參參。不那離情酒半酣。更把玉鞭雲外指。斷腸春色在江南。
原之西 柳一吹動

刪 宮詞

李建勳 ○

宮門長閉舞衣閒。略識君王髮已斑。却羨落花春不管。御溝流得到人間。
巴人問之必能ハズミテ老ルヲ怨ム

齊 水調歌第一疊

張子容 ○

平沙落日大荒西。隴上明星高復低。孤山幾處看烽火。戰上連營候鼓聲。
應鼓

尤 赤州歌第二疊

朔風吹葉雁門秋。萬里烟塵昏戍樓。征馬長思青海

上胡笳夜聽隴山頭。
烟塵胡軍之塵

庚 水鼓子第一曲

雕弓白羽獵初回。薄夜牛羊復下來。夢水河邊青洲

合黑山峯外陣雲開。
太平ノ様ヲ云

庚 雜詩

陳祐 ○

無定河邊暮笛聲。赫連臺畔旅人情。函關歸路千餘里。一夕秋風白髮生。

寒 初過漢江

無名氏 ○

襄陽好向岘亭看人物蕭條屬歲闌岘亭 岘山ノ馭亭為報習家多置酒人車万物 歲一幸末 習氏富貴者夜來風雪過江寒

馬 胡笳曲

月明星稀霜滿野。瓊車夜宿陰山下。漢家自失李將軍。

軍單于公然來牧馬。

李一李廣 夜一胡人也 公一胡笳ノ意アリ

微 塞上曲

王烈 ○

紅顏歲歲老金微。沙磧年年臥鐵衣。白草城中春不入。黃花戍上雁長飛。寒地無春色 海常二居

剛 又

孤城夕對戍樓閑。迴合青冥萬仞山。明鏡不須生白髮。

髮風沙自解老紅顏。青一青空

支 邊詞

張敬忠 ○

五原春色舊來遲。二月垂楊未掛絲。即今河畔冰開日。正是長安花落時。

真 九日宴

張諤 ○

秋葉風吹黃颯颯。晴雲日照白鱗鱗。歸來得問茱萸女。今日登高醉幾人。

真 西施石

樓穎 ○

西施石

西施吳王愛

西施昔日浣紗津。石上青苔思殺人。去姑蘇不復

返。岸傍桃李為誰春。西施石西施が腰ヲ掛テ 紗ヲ浣ヒシ石ニ 姑一吳國ノ姑一其室

陽。和李秀才邊庭四時怨。盧弼 ○

八月霜飛柳遍黃。蓬根吹斷雁南翔。隴頭流水關山

月。泣上龍堆望故鄉。柳昔落

寒。又 ○

朔風吹雪透刀瘢。飲馬長城窟更寒。夜半火來知有

敵。一時齊保賀蘭山。刀瘢 負傷

真。宴城東莊。崔敏童 ○

一年始有一年春。百歲曾無百歲人。能向花前幾回

醉。十千沽酒莫辭貧。一年一一年過テ又未ダ有ル

灰。奉和同前。崔惠童 ○

一月主人笑幾回。相逢正值日銜杯。眼看春色如流

水。今日殘花昨日開。如流一速キヲ云且不止

東。宿疎陵驛。王周 ○

秋染棠梨葉半紅。荊州東望草平空。誰知孤宦天涯

意。微雨瀟瀟古驛中。荊一古鄉

灰。塞下山。釋皎然 ○

寒寒無因見落梅。胡人吹入笛聲來。勞勞亭上春應度。夜夜城南戰未回。
勞勞亭古鄉 笛聲落梅曲

歌 僧院

釋靈一○

虎溪開月引相過。帶雪松枝掛薜蘿。無限青山行欲盡。白雲深處老僧多。
虎溪唐山中此二飯用ス

唐詩選卷之七終

關印

弇老評滄溟詩。峨眉天外雪

中看。其選唐詩亦復爾。爾獨

奈近來坊間諸本。率屬子血浪。

不則何物狡兒。巧作五里霧。

芙蓉咫尺。殆不可辨矣。今閱

此刻剔抉幾盡。頓復舊觀。二
 峰宛然在人目睫。豈不愉快
 乎。滄溟嘗謂不昧者心。想當
 百年前為子遷道。

物茂卿題

原本享保九年甲辰正月日成
 慶應三年丁卯秋再刻
 明治八年十二月十九日版權免許

定價廿五錢

東京
 書林

第一六區六小區通三丁目

小林新兵衛

